



18. oktober 2019

UKA2019/49

**Meeqqanut pinerliisimanginnermut uppersaatip imaa annertusillugu meeqqanik atoqateqarsinnaangorsimasunik kinguaassiutitigut pinerliisimanerit ilanngunneqartalernissaat pillugu Kalaallit Nunaanni Meeqqanut pinerliisimanginnermut uppersaammum malittarisassat allanngortinneqarnissaat siunertaralugu naalagaaffeqatigiinni oqartussaaffinnut saaffigineqqullugit Naalakkarsuisut peqquneqarnissaannik Inatsisartut aalajangiiffigisassaattut siunnersuut. Allanguinerup peqataanik Namminersorlutik Oqartussat meeqqanut pinerliisimanginnermut uppersaammik piniarnissaminnut pisussaaffeqarnerat annertusineqassaaq inuit meeqqanut oqaatigineqartut ukiulinnut attaveqartartussanngorlugit atorfinittussat imaluunniit sullississat ilanngunneqarsinnaanngorlugit.**

(Aleqa Hammond, Nunatta Qitornai)

Inuiaqatigiit peqqissut aammalu nukittuut tassaapput aamma pisinnaatitaaffimminnik pisussaati-  
taaffimminnillu ilisimaarinnittut. Aqutit eqqortut aammalu pisussaaffiit erseqqissut tamanit ili-  
simaneqarnerisigut inuit illersorneqarnerat annerusarpoq, uani meerartavut pillugit.

Siunnersuuteqartumut qujaqqaarumavugut siunnersuut annertuumik tapersingarput qaqqimmagu.

Inuiaqatigiinni meeqqat atornerlunneqarnerat meeqqallu suminginnarneqarnerat ajutoornersuu-  
voq suut tamaasa atorlugit akiorniagassaaq. Akiorniagassaaq pinaveersaartitsinikkut, paasititsiniaan-  
ikkut, pisinnaatitaaffinnik qaammarsaanikkut, akisussaasunik suleqateqarnikkut, meeqqat ornitta-  
gaanni sumiikkaluartuniluunniit sullississat piumasaqarfignersigut aammalu toqqissisimasumik  
atugassaqartitsiumalluta sulisutigut meeqqanullu.

Pinerliisimanginnermut uppersaatip aamma meeqqanik atoqateqarsinnaangorsimasunik  
kinguaassiutitigut pinerliisimanerit ilanngullugit uppersaammum ilanngunnissaanut siunnersuut  
taperserparput.

Meeqqat meeraapput inersimasutut taaneqarsinnaalernerminnut. Meeqqat illersorneqassapput  
meeqqatut inissisimanerminni inersimasutut pisinnaatitaaffiit ikaarsaarfissaat tikillugu.

Naalagaaffik ataaseq imaattussaasariaqarpoq inatsisitigut aammalu nalunaarutikkut pisinnaati-  
taaffinnik illersuisoq aammalu inatsisitigut allannguisoqartillugu aamma naalagaaffimmi meer-  
aasunut illersuineq tamani assigiittoq piusariaqarpoq. Naalakkarsuisut Danmarkimut saaffiginnis-  
sasut malittarisassat allanngortinneqarnissaannik siunertaqartoq ila ila taperserparput.

# Nunatta Qitornai

## Inatsisartuni



Meeqqat inuusuttuaqqallu kinguaassiuutitigut atonerlunneqartarnerannut akiuiniarnermi suliat tamarmik ataqatigiittumik ingerlasariaqarput, aammalu malittarisassatigut inatsisitigullu pisoqalimasanut tulluarsaaneq. Akiuiniarneq ataqatigiittumut siunnersuut una annertoorujussuarmik isumaqarpoq aammalu siunissami pinerleeqqissinnaagaluartut pinngitsoortinneqarsinnaaneranut siunnersuut imaqarpoq pingaarutilerujussuarmik.

Naalakkersuisut akissuteqarnerminni erseqqissaassutigaat malittarisassat maannamut qanoq killeqartitsiginerat pisortat ingerlatarippassuk imaluunniit peqatigiiffiit namminersortut assigisaanullu sanilliullugu periarfissat pineqartillugit. Pingaaruteqarpoq piumasaqarsinnaaneq tamanut naligiimmik inissisimasariaqartut taamaalilluni pisussaaffiit sumiikkaluartuniluunniit paatsuuganaratik aamma pinerleeqqeriarsinnaanermut mattussisuusariaqarput meerartatta illersorneqarneranik tungaveqartumik.

Ataatsimiitsitaliaq sulilluarnissaanik kissaallugu siunnersuut taparserparput.